

懇 天恩准將道銜署兩淮鹽運使湯壽潛派令總理該省鐵路候補四品京堂劉錦藻爲副總理所有勘路定線集款招股購地興工各要端均應由該紳等妥慎籌計稟呈臣部詳核奏明切實興辦以一事權並一切遵照臣部奏定章程辦理三年以後果有成效仍援照江西等省奏案奏明酌予獎勵如曠日無功亦由臣部奏撤差使以重路政謹 奏奉 旨 湯壽潛著賞給四品卿銜餘依議欽此

商部奏福建紳士籌築本省鐵路援案公舉大員總理呈請奏咨立案摺

竊臣部於光緒三十一年七月間接據福建通省京官光祿寺卿張亨嘉等呈稱竊維閩省地僻民稠生產鬱積全賴轉輸利便以發山澤之所藏以補耕作之不足近年以來奸商勾引外人動指數府之鑛地歸其專辦坐使利權日失夫鑛與路本相輔而行欲杜盜鑛之陰謀莫若自行籌款建築鐵路上爲 國家挽久遠之利權下爲紳民免數世之遺累惟是籌辦伊始責重事煩非有信望夙孚鄉閭推重之員不克勝任查有降五級調用前內閣學士兼禮部侍郎銜陳寶琛家世通顯學粹品端家居二十年措辦學商具見成效凡閩省之經商於東南洋各島家擁厚資者平昔均服其爲人若聞該紳總理鐵路事宜必能感奮輸誠力顧梓桑之公益其於籌集股款一事決無阻礙廈門爲通商口岸擬先行籌築爲幹路之

交通

二十八

正月

首段再行陸續接連期與廣東江西浙江路線交通以廣商利現在各省先後公舉總理自行籌築均奉 旨允准在案今福建事同一律應請據情代奏請 旨定奪各等語臣等竊維福建一省與各國通商最早土產沃饒外人垂涎尤甚往昔風氣未開士民惑於風水之說恆不免故步自封今該省紳士張亨嘉等眷顧鄉閭力圖挽救呈請自辦鐵路臣等覆查該省路線不特與江西廣東浙江等處壤地交接商業必多裨益且於該省鑛產亦可藉路線以謀自保洵屬深有關係其公舉降五級調用前內閣學士兼禮部侍郎銜陳寶琛總理該省鐵路查該員歸田以後頗能潛心實業既據該省紳士等合詞呈請前來可否仰懇 天恩俯念路政商權事關緊要准將降五級調用內閣學士兼禮部侍郎銜陳寶琛派令總理該省鐵路事宜所有專集華款及勘路購地興工各要端均責成該紳等安速籌辦稟呈 臣部詳核奏明切實辦理以一事權並遵照臣部奏定章程三年辦理後果有成效仍援照江西等省核實奏明酌予獎勵如曠久無功亦卽由臣部奏請撤差以重路務謹 奏奉 旨依議欽此

前山西巡撫張奏晉省紳商擬集股設立同藩鐵路公司摺

竊維今日列國競爭擴張權力必皆恃鐵路爲先驅將欲保守權利必以自造鐵路爲第一